

中電電力質量小組 為社區力求「靚電」

一心為你

近年極端天氣愈見頻繁，對供電系統帶來挑戰。在極端天氣下，颱風、雷擊、樹木觸碰等可能會干擾戶外架空電纜和設備，導致電壓驟降。

電壓驟降並唔等於停電，只係電壓喺短時間內出現波動。同全球所有城市嘅電力系統一樣，香港都無法完全避免電壓驟降。

要有效維持及提升電力質量，不單靠電力公司提升供電系統的抵禦能力，同樣需要客戶採取相應措施。中電專業嘅電力質量小組一直追求「靚電」，為有需要嘅客戶提供免費技術諮詢，建議緩解方案，例如安裝合適嘅電壓驟降過渡裝置，以減輕電壓驟降對客戶設備嘅影響。

過去三年，我哋已為百多個屋苑或機構提供諮詢服務，接近半數已經採納咗我哋建議嘅電壓驟降緩解方案，包括自動重啟或線路改善方案。

變頻洗衣機 VS 定頻洗衣機

咁轉原來更慳電

慳電小貼士

近年唔少洗衣機都採用咗變頻技術，用家想轉用變頻洗衣機，但又未必咁清楚變頻機比傳統嘅定頻機有咩優勝之處。今次我哋就由兩款洗衣機嘅基本原理講起啦！

變頻機運作較慳電

變頻洗衣機採用變頻式摩打，依靠電壓調節摩打運轉，嚟調整洗衫、脫水等唔同環節嘅轉速，轉速操控較佳，除咗運作時較定頻洗衣機安靜，更有慳電嘅效果。相反，定頻洗衣機採用傳統皮帶驅動，開始運轉後，摩打會一直保持速度不變，直到結束，所以比較耗電。

運作較靜 減少拉扯衣物

變頻洗衣機會根據衣物狀態同洗衣程序調整轉速，有助減少衣物喺清洗中被拉扯、損壞等情況。同樣因為其轉速會隨著衣物嘅重量而調整，所以比較有效減緩震動，運作時會較靜；相反，定頻機震動力強就會較嘈，如果屋企隔音較差，用戶就要留意返。

價錢方面，變頻洗衣機雖然比定頻洗衣機貴，但變頻洗衣機比傳統嘅定頻機慳電，長遠使用變頻機仲有機會貴買平用嘍，精明嘅大家識揀啦。

中電智能生活 大埔店 全新形象示人

大埔廣福道51-59號中嘉閣地下

中電智能生活@大埔店已經換上全新面貌，為大家帶來更舒適的服務體驗！今次我哋就介紹幾項專屬服務，仲未去大埔店就要快啲抽時間去體驗下啦！

亮點一：大埔店購物專區唔單止產品分類清晰分明，而且提供多款節能產品俾客戶選擇，各款潮流家電照顧唔同年齡嘅客戶需要嘍！

亮點二：電動車專區特別為車主或者有意換電動車嘅車迷而設，呢個專區涵蓋最新服務推介同互動學習遊戲，一齊體驗電動車嘅環保魅力啦！

亮點三：特快自助e服務機為有需要嘅客戶提供服務，由安排供電服務到列印紙本電費單作住址證明，都可以話咁快搞掂！

咁多驚喜服務同產品等你來發掘，快啲嚟同我哋一齊慶祝，期待喺大埔店見到你哋！

地址: 大埔廣福道51-59號中嘉閣地下

營業時間: 星期一至五09:00 - 18:00 | 星期六09:00 - 13:00

公眾假期休息

愛無紙境

超過15萬人新選用 電子賬單

一同為香港樹林生態行多步

CLP 獎賞 FUN

小改善證明可以帶來大改變！喺過去嘅2024年，超過150,000名中電用戶新選用電子賬單，呢個小小嘅舉動，就為地球保留咗超過100棵大樹！我哋更安排轉用電子賬單嘅新客戶認養100棵本地原生樹苗，大家以行動支持，力保珍貴嘅樹林生態！

喺香港種植原生樹苗其實有深遠意義 — 能夠豐富香港郊野公園嘅植物多樣化，更為野生動物種提供更多食物同棲息地。

2025年，我們將延續推動轉用電子賬單，嚟緊一年將有更多精彩嘅活動，我哋誠邀大家一齊參加！同時誠邀你轉用電子賬單，投入低碳生活；如果你已轉用電子賬單，我哋希望你邀請更多親人好友加入電子賬單嘅行列，合力為香港嘅自然生態帶來更大改變！



中電App每日打卡 追蹤用電量做慳電王

AI 客服信箱

Q 我想知道每日用咗幾多電，有咩方法可以睇到用電量呢？

A 唔少人都想知平日用咗幾多電，今次我哋就介紹返中電App嘅用電量查閱功能。只要你係智能電錶嘅用戶，你可以下載中電App並登入賬戶，就可以每日入一入嚟中電App，查閱每小時、每日嘅用電量嘍！至於非智能電錶嘅用戶，亦可以用App查閱每期賬單，了解每期嘅用電量嘍！

跟住以下嘅步驟就可以睇到用電量嘍：



用電量查閱功能絕對係慳電習慣嘅好幫手嚟嘍，除咗幫你量化數據，用圖表展示智能電錶每日及每小時嘅用電量之外，仲能用圖表幫你分析用電趨勢，咁用咗幾多電就一目瞭然啦。加埋個人設定嘅用電量提示功能，如果用多咗電，會即刻發出提示通知你，咁就唔怕用多咗電都唔知啦！

利用呢啲超實用嘅功能，幫助自己成為「慳電王」，讓你由年初到年終都一樣咁慳！